

**BOSNA I HERCEGOVINA**  
*Konkurencijsko vijeće*



**БОСНА И ХЕРЦЕГОВИНА**  
*Конкуренијски савјет*

**MIŠLJENJE**

**po zahtjevu Zajedničke advokatske kancelarije Mujarić i Gagula,  
Bosna i Hercegovina**

**Sarajevo,  
decembar, 2012. godine**



Broj: 01-26-7-14-3-I/12  
Sarajevo, 20.12.2012. godine

Na osnovu člana 25. stav (1) tačka f) Zakona o konkurenciji („Službeni glasnik BiH“, br. 48/05, 76/07 i 80/09), a po Zahtjevu za davanje mišljenja Zajedničke advokatske kancelarije Mujarić i Gagula, Šenoina 16/III, 71 000 Sarajevo, zaprimljenog od strane Konkurencijskog vijeća dana 12.11.2012. godine pod brojem: 01-26-7-14-I/12, Konkurencijsko vijeće, na 49.(četrdesetdevetoj) sjednici održanoj dana 20.12.2012. godine, je donijelo

## **MIŠLJENJE**

Konkurencijsko vijeće je dana 12.11.2012. godine zaprimilo Zahtjev za mišljenje (u daljem tekstu: Zahtjev) broj: 01-26-7-14-I/12 podnesen od strane Zajedničke advokatske kancelarije Mujarić i Gagula (u daljem tekstu: Podnosilac zahtjeva), kojim se traži mišljenje da li su odredbe Ugovora o neekskluzivnim distributerskim pravima usklađene sa Zakonom o konkurenciji (u daljem tekstu: Zakon).

Uvidom u podneseni Zahtjev, Konkurencijsko vijeće je utvrdilo da su potrebne dodatne informacije, te je zatražio dopunu dana 16.11.2012. godine, dopisom broj: 01-26-7-14-1-I/12. Podnosilac zahtjeva je tražene podatke dostavio dana 27.11.2012. godine, dopisom broj: 01-26-7-14-2-I/12.

Podnosilac zahtjeva traži mišljenje o dozvoljenosti zaključenja neekskluzivnog ugovora o distribuciji kojim bi distributer imao neekskluzivna distributerska prava ograničena samo na jedan dio tržišta Bosne i Hercegovine, područje Federacije BiH, čime se isključuje pravo distribuiranja na teritoriji RS.

U dostavljenom prijedlogu Ugovora o distribuciji su navedena prava i obaveze ugovornih strana, odnosno prava i obaveze proizvođača i distributera.

Predmet Ugovora o distribuciji je definisan u članu 1. i on glasi: „Ovim Ugovorom proizvođač imenuje distributera neekskluzivnim distributerom svoje robe na određenom teritoriju.“

Član 4. prijedloga Ugovora o distribuciji reguliše područje na kome će se distribuirati roba, odnosno u njemu stoji da je područje na kome će distributer prodavati robu, području Federacije Bosne i Hercegovine.

Članom 4. stav (1) Zakona zabranjeni su sporazumi, ugovori, pojedine odredbe sporazuma ili ugovora, zajednička djelovanja, izričiti i prešutni dogovori privrednih subjekata, kao i odluke i drugi akti privrednih subjekata koji za cilj i posljedicu imaju sprječavanje, ograničavanje ili narušavanje tržišne konkurencije na relevantnom tržištu.

Odluka o grupnom izuzeću sporazuma između privrednih subjekata koji djeluju na različitim nivoima proizvodnje odnosno distribucije (vertikalni sporazumi) („Službene novine BiH“, br. 18/06) (u daljem tekstu: Odluka), članom 7. definiše ograničenja koja vertikalni sporazumi ne smiju sadržavati, pa je jedno od nedozvoljenih ograničenja u navedenom članu i ograničavanje teritorija na kojem kupac može prodavati proizvode ili usluge koje su predmet sporazuma, ili grupe klijenata (potrošača) kojima može prodavati iste.

Analizirani prijedlog Ugovora o distribuciji sadrži pojedine odredbe kojima se ograničava tržišna konkurencija na relevantnom tržištu. Odnosno članovi 1. i 4. prijedloga Ugovora o distribuciji sadrže ograničavanje teritorije na kojoj distributer ima pravo vršiti distribuciju, kojim je isključena mogućnost da se distribucija vrši na ostalim dijelovima relevantnog tržišta BiH.

Ovo mišljenje je dato isključivo na osnovu podataka navedenih u Zahtjevu, te ukoliko dati podaci odstupaju od stvarnog činjeničnog stanja ovo mišljenje se ne može primijeniti.

**Predsjednik**

**Gordana Živković**

**Dostavljeno:**

- Zajednička advokatska kancelarija Mujarić i Gagula
- U spis
- A/a